



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

61. Opilivs deprehenditur in confessione nescire Mysteria SS. Tinitatis & Incarnationis, qui quidem ob ignorantiam invincibilem non peccat mortaliter, instruendus tamen est à Confessario de Mysterijs ...

urn:nbn:de:hbz:466:1-40942

non suppetat amplius tempus, hoc non inducit obligationem deserendi securam viam, & amplectendi securiorem. Interim Olaus, si vita ipsi prorogatur, inquirere vltius, & à Deo lumen peteret tenetur, quo credibilitatem fidei Catholicæ euidenter cognoscat; quod si negligat, peccat contra fidem, cùm non adhibeat media ad implendū fidei præceptum, vt post Suarez & alios recte notat Coninck, D. 14. de fide. n. 213. & 230.

LXI. Opilius rusticus 60. iam annorum deprehenditur in confessionali nescire prorsus Mysteria SS. Trinitatis, & Incarnationis. Quæritur. An ideo peccârit mortaliter? & quid cum eo faciat Confessarius, si præsertim Opilius adeò rudis sit, vt post laboriosam instructionem mysteria illa nec capere posset?

Videtur peccâsse mortaliter, & non absolvendus, antequām prædicta mysteria addiscat. Tum quia ex communi Theolog. omnes Christiani tenentur credere necessitate præcepti omnes articulos, qui in vulgato Apostolorum symbolo continentur saltem quoad substantiam. Tum quia explicita fides in Christum iuxta multos AA. post Evangelium sufficienter promulgatum in adultis necessaria est necessitate medy ad gratiam & gloriam obtinendam.

Resp. Opiliū non peccâsse, & absolvi posse ab alijs peccatis absq; repetitione præteritarū

com-

confessionum. Ita Azor. Tēm. I. L. 8. cap. 6. q. 6.

Tann. 22. D. I. Q. 7. dub 2. n. 49 Syluius in 22.

q. 1. art. 8. conclus. 8. & alij. Prob. Tum quia Opilius, ut ponimus, inculpabilem habuit ignorantiam illorum Mysteriorum, vel quod nulla illi vñquam venerit dubitatio de obligatione, vel maximè quod ob hēbetudinem ingenij capere ea non potuerit. Tum quia etiam post Evangelium sufficienter promulgatum non requiritur *explicita fides* in Christum & SS. Trinitatem, sed sufficit *implicita*, ut præter citatos docent plures alij, cū neque ex Scripturâ, neque ex Patribus, neque ex Concil. evinci plus possit, ut rectè advertit Card. Sfortia Pallavicinus L. I. de Fide. n. 178. Atqui Opilius sufficiéter habet hanc implicitā fidem, credendo explicitè DEVUM esse, & providere omnibus. Ergo &c. Cæterū laborandum Confessario, ut Opilius quo potest modo alia etiam mysteria in Symbole capiat, præsertim clariora, v. g. de Christo nato ex Virgine, passo, cruci affixo, ut rectè Azor, loc. cit.

Ad *primum* in contrarium dicimus, Christianosteneri necessitate præcepti credere, & peccare non credendo, nisi invincibili ignorantia laborent, quâ ipsos à peccato excusari tradit ex communi Palao Tr. 2. D. I. pun 15. n. 6. qualem inculpatam ignorantiam ponimus in Opilio esse, vt pote qui solùm novit, Deum

G5

est.

esse, & providentiam habere tum in hac, tum in altera vita; & cum nulla penitus cogitatio animum subeat de ulteriore indagatione veritatis Catholicæ facienda, ideo non delinquit eam omittendo iuxta ea, quæ dicemus infra casu 97. Ad secundum patet ex dictis, scilicet de necessitate medij non esse, explicitè credere, Christum, Dominum esse verum DEVM ac hominem, nostrumque Salvatorem, cum tanta fidei expressæ necessitas nullo nitatur firmo fundamento, & argumenta, quæ in contrarium afferuntur, commodè accipi possint vel de fide implicita, vel de necessitate præcepti.

LXII. Orbilius opifex Catholicus famulos habet opificij sui valde peritos, sedulos, & fideles, sed quia heretici sunt, carnes in quadragesimâ apponisi volunt, alias discessuri, quos tamen Orbilius absque iactura graui rei suæ familiaris dimittere nequit, cum nec ipse laboribus sufficiat; nec alios habeat, quos substituat. Queritur. Vtrum carnes apponere eis posse?

Videtur non posse. Ita Layman L. 2. Tr. 3. c. 13. n. 5. Quia cooperatio hæc nimis propinqua est, & absque ea peccatum non fieret.

Resp. Orbilium (per se loquendo, si absit scandalum & periculum alicuius maioris malei) non improbabiliter posse famulis hereticis diebus prohibitis apponere carnes. Ratio est. Tum quia ex communi Theologia id fieri